



REPUBLIKA E SHQIPËRISË

**BASHKIA SHKODËR
KËSHILLI BASHKIAK**

Nr. 4840 prot.

Shkodër, më 02.03. 2026

VENDIM

Nr. 15, datë 27.02.2026

**PËR MIRATIMIN E SHITESËS NË PLANIN E BUXHETIT TË BASHKISË SHKODËR,
TË MIRATUAR ME VKB NR. 84, DATË 18.12.2025, "PËR MIRATIMIN E BUXHETIT
TË VITIT 2026 DHE PROGRAMIT BUXHETOR AFATMESEM 2026–2028", SI DHE
PËR PËRCAKTIMIN E DESTINACIONIT TË PËRDORIMIT TË FONDEVE TË
AKORDUARA NGA GRANTI I BAZUAR NË PERFORMANCË PËR VITIN 2025**

Këshilli Bashkiak Shkodër, në mbledhjen e tij të datës 27.02.2026, me propozim të Kryetarit të Bashkisë Shkodër, në mbështetje të nenit 35, pika 1, shkronja "d", dhe nenit 54, shkronja "dh", të ligjit nr. 139/2015 "Për vetëqeverisjen vendore", i ndryshuar; të nenit 20, pikat 1 dhe 5, të ligjit nr. 68/2017 "Për financat e vetëqeverisjes vendore", i ndryshuar; të ligjit nr. 9936, datë 26.06.2008, "Për menaxhimin e sistemit buxhetor në Republikën e Shqipërisë", i ndryshuar; të ligjit nr. 10296, datë 08.07.2010, "Për menaxhimin financiar dhe kontrollin", i ndryshuar; të ligjit nr. 87/2025 "Për buxhetin e vitit 2026"; të ligjit nr. 115/2024 "Për buxhetin e vitit 2025", aneksi 9 "Granti i Performancës për bashkitë"; të udhëzimit nr. 02, datë 14.01.2026, të Ministrisë së Financave, "Për zbatimin e buxhetit të vitit 2026"; të udhëzimit nr. 9, datë 20.03.2018, të Ministrisë së Financave dhe Ekonomisë, "Për procedurat standarde të zbatimit të buxhetit", i ndryshuar; të udhëzimit të përbashkët të Ministrit të Financave dhe Ministrit të Shtetit për Pushtetin Vendor nr. 1031/5, datë 11.07.2025, dhe nr. 10725, datë 11.07.2025, "Për kriteret, procedurat dhe treguesit për shpërndarjen e fondit të Grantit të Bazuar në Performancë për bashkitë për vitin 2025"; të vendimit nr. 84, datë 18.12.2025, të Këshillit Bashkiak Shkodër, "Për miratimin e buxhetit të vitit 2026 dhe programit buxhetor 2026–2028"; si dhe në bazë të shkresës së Agjencisë për Mbështetjen e Vetëqeverisjes Vendore nr. 764 prot., datë 19.12.2025, me të cilën përcillet vendimi i Komisionit të Vlerësimit të Aplikimeve në kuadër të Grantit të Bazuar në Performancë 2025, dhe të shkresës së Ministrisë së Financave nr. 18133/1 prot., datë 24.12.2025, për përfitimin e grantit të bazuar në performancë me burim financimi Buxheti i Shtetit, si dhe pasi shqyrtoi dokumentacionin e përgatitur nga administrata e Bashkisë Shkodër,

VENDOSI:

1. Të miratojë shtesën në planin e buxhetit të Bashkisë Shkodër, të miratuar me VKB nr. 84, datë 18.12.2025, "Për miratimin e buxhetit të vitit 2026 dhe programit buxhetor 2026–2028", për grantin me burim financimi nga Buxheti i Shtetit në vlerën 1,258,426.97 (një milion e dyqind e pesëdhjetë e tetë mijë e katërqind e njëzet e gjashtë pikë nëntëdhjetë e shtatë) lekë,

si dhe për grantin me burim financimi të huaj në vlerën 1,555,530.46 (një milion e pesëqind e pesëdhjetë e pesë mijë e pesëqind e tridhjetë pikë dyzet e gjashtë) lekë, sipas shkresës së Ministrisë së Financave nr. 18133/1 prot., datë 24.12.2025.

2. Fondi i përfituar të alokohet në programin buxhetor AC141 “Mbështetje për zhvillim ekonomik vendor dhe rural”, për financimin e fishë-projektit P.AC141.Q3.O1.A15 “Shkodra Digjitale: Harta Inteligjente për Turistët (Digital Shkodra: Smart Tourist Maps)”, për grantin me burim financimi nga Buxheti i Shtetit në vlerën 1,258,426.97 lekë dhe për grantin me burim financimi të huaj në vlerën 1,555,530.46 lekë, në shumën totale 2,813,957.43 (dy milion e tetëqind e trembëdhjetë mijë e nëntëqind e pesëdhjetë e shtatë pikë dyzet e tre) lekë, në artikullin 231 “Shpenzime kapitale të trupëzuara”, institucioni Bashkia Shkodër, sipas fishës bashkëlidhur, e cila është pjesë përbërëse e këtij vendimi.
3. Për zbatimin e këtij vendimi ngarkohet Kryetari i Bashkisë.
4. Ky vendim hyn në fuqi sipas përcaktimeve të pikës 6 të nenit 55 të Ligjit nr. 139/2015 “Për vetëqeverisjen vendore”, i ndryshuar.

Miratuar me 34 vota

Vota Pro	34
Vota Kundër	2
Vota Abstenim	3

Zbardhur me datë 02.03.2026

SEKRETARE

Sabina Danaj



Nr.	P.AC141.Q3.O1.A15. Shkodra Digjitale: Harta Inteligjente për Turistët (Digital Shkodra: Smart Tourist Maps)		AC141 Mbështetje për zhvillim ekonomik vendor dhe rural				
a) Përshkrim i shkurtër i projektit:							
i. Situata Bashkia Shkodër ka aplikuar dhe është përzgjedhur për të përfituar Grantin e Bazuar në Performancë për vitin 2025, një formë financimi shtesë që jepet në bazë të rezultateve të matshme të performancës së bashkive. Ky grant, i financuar nga Buxheti i Shtetit dhe donatorë ndërkombëtarë (SDC dhe SIDA), ka për qëllim të mbështesë bashkitë në përmirësimin e shërbimeve publike dhe rritjen e efikasitetit të administratës lokale. Shkodra, si një nga bashkitë përfitues, ka një fond të përgjithshëm prej rreth 2,813,957.43 lekë (grant burim financimi Buxhetin e Shtetit, në vlerën 1,258,426.97 lekë, dhe grant me burim financimi të huaj, në vlerën 1,555,530.46 lekë), e cilat do të ketë si destinacion realizimin e Hartave Digjitale për Turistët. Sot mund të themi me siguri se Shkodra po e ndërton imazhin e saj si një destinacion i qëndrueshëm, autentik dhe mikpritës, ku natyra, historia dhe kultura bashkohen në mënyrë harmonike. Qyteti ndodhet në një moment të rëndësishëm rritjeje, dhe detyra jonë është ta zhvillojmë këtë potencial me kujdes dhe vizion, duke siguruar që zhvillimi ekonomik të ecë paralelisht me ruajtjen e identitetit dhe trashëgimisë së pasur të Shkodrës. Në këtë kuadër, dhe duke u përshtatur me ritmet e rritjes së teknologjisë dhe nevojat e turizmit modern, është e nevojshme të vendosen tre harta digjitale interaktive (ekrane me prekje): një në Shkodër, një në Shirokë dhe një në Theth. Këto pika informacioni do t'u mundësojnë turistëve të shohin hartën e zonës ku ndodhen, si dhe të gjithë territorin e Bashkisë Shkodër, të pasuruar me pikat kryesore turistike, kulturore, natyrore dhe shërbimet relevante. Informacioni do të ofrohet në dy gjuhë, duke e bërë më të aksesueshëm për vizitorët vendas dhe të huaj, dhe duke përmirësuar ndjeshëm përvojën turistike në territorin e Shkodrës.							
ii. Synimi i projektit Me këtë projekt synojmë të përmirësojmë orientimin dhe informimin e turistëve në Bashkinë Shkodër përmes hartave digjitale interaktive, duke promovuar atraksionet kryesore dhe duke forcuar imazhin e Shkodrës si një destinacion modern dhe të qëndrueshëm.							
iii. Aktivitetet kryesore të projektit 1. Projektimi dhe zhvillimi i hartave digjitale interaktive 2. Instalimi i 3 ekraneve me prekje në Shkodër, Shirokë dhe Theth 3. Përgatitja e përmbajtjes turistike (pika kulturore, natyrore, shërbime) 4. Përkthimi i informacionit në dy gjuhë 5. Testimi, trajnimi i përdorimit dhe vënia në funksion e sistemit							
b) Rezultatet që prisni							
1. Përmirësim i orientimit dhe përvojës së turistëve 2. Rritje e vizitave në atraksionet kryesore 3. Informim më i shpejtë dhe më i aksesueshëm për vizitorët 4. Forcimi i imazhit të Shkodrës si destinacion modern.							
c) Aktorët e mundshëm (grupet që lidhen me projektin dhe që ndikohen)						d) Kontributet e mundshme në projekt (kush do të kontribuojë për këtë projekt, financiarisht, etj.)	
Bashkia Shkodër						Programet e BE-së Media dhe organizata kulturore, biznese turistike, Donator të tjerë	
e) Shpenzimet e llogaritura (për çdo aktivitet të mësipërm (pika iii) (në lekë)							
			Nga kjo				
			Paga	Sigurime	Operative	Transferime	Kapitale
A.1	Furnizim vendosje e tabelave informuese (digjitale)	2,813,957.43					2,813,957.43
	Shuma (Buxheti i shtetit + me burim financimi i huaj)	2,813,957.43					2,813,957.43
	Shuma (burim financimi buxheti i shtetit)	1,258,426.97					1,258,426.97
	Shuma (burim financimi i huaj)	1,555,530.46					1,555,530.46
f) Periudha e zbatimit 2026			g) Përgatiti dhe ndjek realizimin e projektit:				
Viti 2026			Drejtoria e Turizmit,				
			Institucioni likuidues: Bashkia Shkodër				